

四庫全書存目叢書編纂委員會編

齊魯書社

四庫全書存目叢書

集部

第二七二冊

責任編輯：孫言誠 賀 偉

ISBN 7-5333-0615-5



EB41 / 02

四庫全書存目叢書·集部二七二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 56.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二七二冊目次

集部·別集類

雲在詩鈔九卷

〔清〕查祥撰

北京圖書館分館藏清乾隆刻本

桐村詩四卷

〔清〕馮詠撰

南京圖書館藏清康熙刻本

崇雅堂稿八卷

〔清〕王植撰

蘇州市圖書館藏清乾隆刻本

與梅堂遺集十二卷耳書一卷鮚話一卷

〔清〕佟世思撰

浙江圖書館藏清康熙四十年佟世集刻本

華林莊詩集四卷

〔清〕姚孔綱撰

北京圖書館分館藏清乾隆刻本

道腴堂詩集四卷

〔清〕曹煜曾撰

清華大學圖書館藏清乾隆十四年曹氏五畝園刻石倉世纂本

長嘯軒詩集六卷

〔清〕曹煥曾撰

清華大學圖書館藏清乾隆十四年曹氏五畝園刻石倉世纂本

放言居詩集六卷

〔清〕曹炳曾撰

清華大學圖書館藏清乾隆十四年曹氏五畝園刻石倉世纂本

六九一

隨村先生遺集六卷

〔清〕施琛撰

天津圖書館藏清乾隆四年刻本

七四六

有懷堂文集一卷詩集一卷

〔清〕田肇麗撰

天津圖書館藏清康熙乾隆間刻德州田氏叢書本

七八九

靜便齋集十卷

〔清〕王曾祥撰

北京大學圖書館藏清乾隆二十八年刻本

八一七

雲在詩鈔九卷

〔清〕查祥撰

北京圖書館分館藏清乾隆刻本

附《四庫全書總目·雲在詩鈔

九卷》提要

雲在自叙

余年十四隨父兄伯叔後學爲詩然不多作亦不自愛惜零星裒集約得詩不及千首丙午丁未閒罷官家居一病幾殆家人輩焚燬殘廢卷帙誤入灰燼中五十歲以前所作遂無一存者良朋晤對偶誦及舊詩茫然不知爲何人所撰境改時遷恍如隔世又不獨吟諷一道已也病起無聊從人唱和或卽景留連越三十年笥篋存留又與前帙相等爲去其煩冗率易及應酬諸詩得如千首付兒子收戔防散失毋累劬劬也

雲在自叙

雲在詩鈔卷一

海昌查祥星南氏著

男

虞昌校字

孫

和敏

鵬扶

鷄薦

外孫陳念本校刻

上山

望登高嶺怯嘖嘖疾下危坡意自寬陟降路均勞逸判

下山容易上山難

客聞吾語未能安請試評量上下灘山險不同波浪險

上灘容易下灘難

雲在詩鈔卷一

納涼

露浚夜氣涼月落明星大何處逆尖風飄零一螢墮

熱極睡不得起來步前楹回頭聽蚊響滿屋正雷聲

不讀史遷書安知甘氏經夜涼食露坐認得一邊星

老人談往事過客說新聞後會期明夕歸途各自分

楊致軒札問歸田近狀答之

問訊來過飯顆山閉門高臥鎮長閒病工服藥非耽飲

貧慣休糧不駐顏歲儉況逢生計拙年增祇益髯毛斑

應酬書札狂踪跡幸免差排漸漸刪

游倦歸來小欠伸眼中第一少交親園林無主悲餘燼

鄉曲多才嘆剝人序齒便愁頭上雪看題怕掃壁間塵

期君得路收身早兄弟股張一輩論

飄零身世嘆蹉跎庾屋陶居我獨無許借一枝叨玉潤

借居致軒會紆三館笑金鋪地界水勢通潮急市近還

令坦別業聲入夢鹿賴有高齋相對在異時風雨便招呼

軒松喬

池塘小雨過輕雷夢醒華胥一餉纔爲客解紛揮手去

看人爭劫爛柯回釀成蜂蜜甜何爲長就楞癭老不材

尚有未除餘疾在新詩遣向洛中來

時致軒

張雪煩示弈碁七疊韻詩依韻四疊奉酬

雲在詩鈔卷一

二

每從一着悟元微多算方知少算非至竟問誰先敗歟

終憐是我自投圍坐移日影閒中趣響出花陰靜者機

慎莫被他高手見老夫論品笑能飛

盡日窮參嘆入微知當局正全非勢難脫險方爭劫

客咲圍堂又潰圍卻讓老兵稱妙手不堪小戲蓄機

人生一技皆天授辛苦終慚斤鵲飛

黑白紛馳義正微頻年野戰未知非挺而走險豈長策

敗不窮追合解圍莫放品高多勁敵須知兒戲有危機

南風不競君休訝六鵠年來正退飛

孱軀病起力還微一局閒消未覺非客到坐移磐石近

戰酣肩壓看場圍讓他主客工行詐卻咲神仙未息機
此事不妨吾欠缺孤山且放鶴雙飛

里俗重視壽近則童年有稱觴者詩以警之

俗于所生朝美其名曰壽堂前列笙鏞屋後羅梁肉筐
館陳東西幃帳輝篆籀賓客前致辭庸惡鄙童幼主人
謬謙光顏赧心樂令晨興至哺餘客拜主答叩脫衰鼠
拱禮頂落杵投回孽由身自造慙甚乞誰宥此禮始何
時作俑杳莫究祖父年過高聊以一尊侑義固有所取
揆情亦非謬自壽已大奇邈且及乳臭十齡二十齡車
馬奔輻湊以不腐稱觴平白甘詛咒循惜不足資雅自

雲在詩鈔卷一

三

習句讀了不自知非悲哉習俗陋

夜來香

藤牽蔓引綠雲舒雅稱清幽置綺疏桂魄分香宜月上
蘭膏剩馥在燈初貯添曉鬢開雲面趁點殘粧理玉梳
酒醒夢回通占斷睡香無分況其餘

誰遣雕鏤綠玉花勻排枝棘瘦了又引回蝶夢迷前檻
喧動蜂房報晚衙客散分携三徑月飲闌剩點一甌茶
侍兒小字誰傳得新倩芳名譜薛家

領取幽香坐夜溪破分瓜字折花心剩藏密葉閒中見
暗試淺閨暗裏尋半落半開黃纂纂和烟和露碧沉沉

明珠翠羽無顏色剛配新簽未利簪

上林不待曉風吹暝色纔升漸漸開晚節敢誇籬下菊
暗香欲並嶺頭梅蠻村未省曾知賞番舶何因近始來
涼月上階殘暑退綠蘿庭院幾家栽

吳介石印楊晚研宮允梅花方丈舊趾築書齋以

地偏仄顏曰似園余方病未經登覽同年陳牧

初有詩來索和爲步原韻

凸者爲山凹者池綠垣重疊屋重搭坡陀聽指新開徑
雕甍驚傳舊折枝北海樽疊期後會習家賓從想當時
一偏大有林泉趣門外行人未得知

雲在詩鈔卷一

四

無多邸壑昔人開風月何曾費買來但覺軒窗增爽境
已傳遊賞盛罇罍小營欄檻恢張手薄具笙箏管領才
多少名園盡荒落西風一目是蒿萊
盈尺翻輸徑寸長巧增波折是迴廊近邀隣樹遮門徑
高借城陰作苑牆一勺舊存思泛棹半弓新拓爲飛觴
分明不是營邸壑別有蕭疎意趣長

早晚人來異所聞嘆嗟欣賞各紛紛結茅甚少堂廡具
壘土不多島嶼分經始便懷知足訓落成誰草上梁文
與君奇字曾同問一到山亭憶子雲

代贈

羌管新調羯鼓催橫波重接首重回相逢未免增惆悵
曾向中林坐上來

寶錫聲裏築毬天打謎藏閣尚宛然今日相逢仍縱飲
斷雲零雨十三年

往龍山聞邑中得雨

停午聞雷聲到晚猶不止隣叟城中來說雨大無比
水勢如建瓴堤岸防潰壞未敢逆洪流抽篙且潛退

盧滄洲遊柯山吼山有詩見示答之

平生自負山水癖掛口便誇泉與石三湘五嶽空婚聘
足所未到慚咫尺浙東名山天下奇石室金堂傳往跡

雲在詩鈔卷一

五

龍湫馬蕩林壑幽赤城石梁神仙宅四明嵌空穴潛虛
五洩砢砢蕩蕩覓魄嗟余生長游濱居束縛筋骸膠兩腳
此其著者去未能那得爬搜到偏仄讀君柯吼兩山詩
頓覺嵯峨眼前擲形容景物奪化工斗撒精神誇腳力
澗花岩草列情狀麗句清辭紛絡繹飢人久苦腹空虛
對食心貪氣填塞會當明日便畏糧到處摩崖姓名刻
腳跟未嘗十年遲眼界先謀一朝闊不眠火速戒前途
問夜推窗看曉色僕夫大笑喚我醒今者浮君須大白
勝境多由絕險逢奇觀賴自窮探得平原廣陌恣回翔
一出而顛幾不測君今羽翼久摧殘瞬息何能周八極

興敗方知妄念招人微莫并狂言格故鄉亦自有雲山
歸就衙門一節策

爲朱亦軒題佟鍾山所畫松石掛幅

老髯怒張戟四出誓決漳流逢一喝至今僵立不能飛
黛色蒼皮撐窾兀泰山膚寸飛上天化爲頑璞遭秦鞭
墮落塵世一萬年風雨剝蝕雷斧鐫高欲排雲瘦拔地
能爲老髯增氣勢狐狸吹火鷄叫風月白霜清光綴綴
海波橫捲陣雲奔破壁飛去愁黃昏請看石裂縫如削
定有蟠拏結屈痕

爲高傳岩題浣紗女子圖

雲在詩鈔卷一

六

一舸飄然去五湖後來消息竟全無練裙綺袂嫣然色
還是當年未嫁圖
越客千絲結網新吳宮花草頓生春如今只作丹青看
忍便將來別贈人

滄洲以詩畫扇贈別依韻奉答

巨鐘笑寸撞宏敷謝細吟曹劉到齊梁作者紛如林越
今千餘年誰繼正始音君才特聳拔聲出石與金煉骨
洪爐中濯髓滄波渡方當小鮑謝何止凌何陰傾蓋出
所著百讀方醉心正如發美醞味在容緩斟雲山繞歸
夢良會約再尋贈詩兼作畫墨滿翻素襟人生聚散間

倏忽同飛禽相望一千里永懷陟遙岑

午日朱亦軒太守張筵演劇酌酒慰留口占志謝
歷數平生重五節幾年飄泊滯天涯叩門又作依人客
潑眼驚看似火花布席津亭方解纜放開官長不排衙
定知欲慰羈愁惡攪近歌筵引笑譁

詠三衢署中高柳謝別亦軒太守

三衢官署一株柳到地絲垂百尺長江上舡歸還望見
門前蔭薄要思量雨餘但覺常堦重風過還添別院涼
惟願長留青眼在春來搖曳定相望

亦軒滄洲月夜酌酒話別

雲在詩鈔卷一

七

扶策集虛堂携尊就月光談諧據世外鮭菜拾江鄉影
照三人共杯澆百慮念明朝卸帆處回首正蒼茫

海內論知已于今有幾人乘時盡梁棟投老獨風塵舊
雨依歸石新詩讀照隣凭欄一惆悵明月爛如銀

病三日瘧兩年矣來三衢未旬日病大去顏行亦

軒以節嗜慾爲戒走筆戲答

二豎久肆虐轉門不厭勤率以兩日暇尅期來致軍初
如沃冰雪格格戰齒齟逡巡投洪鑑百骸遭煎焚其來
有期會未雨雷先殷其去亦狡獪燭滅宿火燼所恃藥
力猛一戰或解紛豈料久則玩常陣鮮策勲坐困歲雨

越苟安國三分肌肉孱削盡所剥皮骨筋刺齒戒濃鮮
觸鼻祛芳芬方且讐白墮豈止疎紅裙自來君署中鼓
鼓漸不聞強雖弩之末衰覺日就曠正如百二秦化作
小國郎縱能恣吮吸何至愁煎蠹從茲慎訓攝德在招
以文歸思遂潛觸飲啄想榆枌聊持平生顏歸媚我細
君卽得當鑪姿彈琴看鬢雲斯言誠戲耳一笑安足云
歸來衙門下努力營耕耘驅童瀆泉豚課兒羅典墳圍
蔬烹鼎商家機當元繭人情劇冷煖世事隨紛紜付以
不聞見快刀截亂莽此寔善後策餘非意所忻所感夫
子德欲報浩無垠臨別復贈言載拜三沐烹

雲在詩鈔卷一

八

觀潮歌

茫乎荒哉豈真有掀天揭地之伎倆捲土而西來或有
所鬱勃于中思一洩其憤遂狂逞而不知所裁發跡何
所驅迫者誰乃應時刻而不爽其期江神色沮而氣索
河伯意餒而神默非有強隣悍敵狂象逸鹿胡自開關
以降不舍晝夜力逐而窮追斯又聖知所不及知巧歷
所不能推也始希微如一線繼霜雪其體體方匹練忽
遠曳遂萬鼓若齊挺猝不知幾千萬馬掉尾振鬣絕塵
而馳瞥地裂而天摧百神爲之鼓蕩萬靈從而喧騰凡
蛟龍魚鼈水族之鉅細恣攬擠力推排于是呆者吟謬

點者驚猜才人插筆而賦詩好異者且補山海而續齊
諧求其故不得則亦付之方冊之混沌未開之兩儀更
無事孤耳而爬腮余維五行各有專司彼水性潤下滴
滴者天下皆是此所以流逆使上波挽其顏亦仍是日
暮途遠之見再濟之以矯枉過正之才此其說是耶非
耶吾聞秦鬼畏嶓蜀犬吠雪西北穴居之民間之必驚
喜艷羨求一視不可得詎吳兒弄潮習慣而不以置懷
天下習見者之不足以驚世駭俗固大概其如是哉

中秋訪陳蓮宇滄浪亭踏月口占時余有金陵之
行

雲在詩鈔卷一

九

迢遞一輪秋月明穿林入坐散餘清亭臺捲樹得幽趣
燈火隔河聞笑聲尚愛此邦知節序不妨老子有風情
天街踏盡遊人影爲感涼風百緒生
子美到今幾百載問誰來此賞中秋陰晴自古原無定
去住何人得自由浪跡聊同寓公寓踏月且趁遊人遊
重來佳踐登高約好住山亭爲少留

金陵喜遇鄒器山侍御

秋風瑟瑟涼露繁金陵城中鳴砧喧故人天遠忽停棹
古寺日高聞叩門荆盡容顏休問訊未除結習且開樽
談淡不覺移庭影已照牆東老樹根

斷絕音書已四年不期而遇豈非天祇因一夕團圓話
悟盡平生聚散緣憂患料紛思痛定寒暄重疊訴燈前
疏軀善病君休訝已歷前塵幾劫仙余病瘥初愈

登報恩寺塔

金陵自昔稱佳麗結綺爲宮玉爲樹頭桃葉巷烏衣
史冊流傳足候據閭閻遷改巷陌移漸遊人不知處
今朝天氣大晴妍躑躅隨人問前路好風吹我出城南
一柱撐天拾鈴語拾高九級而八方摩尼光照五色具
黃金白壁填砌成寶珠環瑋搏捏作簷牙欄楯謝雕鏤
金碧丹鉛恍鎔鑄能燒秘色既絕奇不爽毫釐豈神助

雲在詩鈔卷一

十

更煩巧匠配合成伎絕般般匪誰募當時創造備神奇
不遺一木相支拄至今日久益堅牢風日未嘗防朽蠹
後有作者務矜能吁嗟手足終安指外象平添歡喜心
上方力倩懸繩度中安階級如螺旋旋足躡前行同蟻附
忽然開朗得曠觀遠近山川劇奔起竿頭愈進身益危
未堅道念生微怖八極曾經揮斥行一遭綽虐憑空仆
造次重登飛率天翻疑跌蕩非吾素塵寰跡差便安
凌虛未慣思四步免尋雲蹟貼天飛怕踏屐輪投足誤
舉頭色相儼莊嚴風過猶聞落韶韻

九日同器山雨花臺登高

良朋遇逆旅時節當深秋舉觴未快意相與登古邱雨
花本無臺土隴高且修邦人遇重九指此來遨遊余亦
躡衆跡坐踞最上頭沽酒恣豪飲縱目消百憂接席有
老者坐久談綢繆爲我數陳述刺刺不肯休臺城削荒
壘新亭餘古愁蕭蕭朱雀桁杳杳白鷺洲當時霸王跡
今成禾黍時先後豈相襲興廢實等儔後生遽流傳毀
譽徒嘲嘲不如開士言一切皆浮漚前山有閒客檐楹
肩兩頭不知何所適意境殊清幽林疎露茅屋牧童騎
歸牛得此田野趣稍豁座土昨涼風吹衣襟暝色紛漸
投明朝拘重陽土人稱初十日爲拘重陽餘興容再酬

李在詩鈔卷一

七

送器山歸毘陵

本以無心遇翻成不忍分蹉跎眞笑我慷慨欲留君雪
裏尋鴻跡雲中叫雁羣一肩行李去秋雨正紛紛
半月同蕭寺今朝放棹還縱期他日會難得兩人閒已
過皆陳跡逢人盡老顏別離情易制感舊各潛潛

遊山絕句

嵒嶙東來幾疊山亂雲飛去又飛還秋深林木多黃落
荒嶺夕陽相對閒
高處閒藏梵宇深中間松栢畫森森飛來鴉雀羣鳴噪
老樹猶貪舊日陰

長江一直向東流萬古千秋挽不留只有朝朝潮欲上
拘他波浪暫回頭

側嶺橫峯盡有名棘茨豪翳少人行夜來一陣西風惡
還聽山山戰葉聲

世間多少導師城莫向張華問地名鷺鶴不歸人寂寂
一痕秋草上牆生

夜夜濤聲響怒雷江邊古岸漸傾頽樹頭落日黃金色
無數歸鴉結陣來

禪榻僧房了不存雲中只有舊山門怪他麋鹿還馴擾
多是宜春舊子孫

李在詩鈔卷一

七

老樹根株自結蟠經霜木葉易凋殘大千世界無邊岸
莫向金剛背後看

老宿何年絕見聞旃檀香燭尚氤氲妙峯山上經行處
前世還疑是德雲

畫棟飛甍拂絳霄舊時臺榭總寥寥老僧解道誇名勝
指着青山話六朝

舟行見桃花

沿岸兩三家屋前屋後花春光眞爛熳村落小繁華過
客推篷看山僧歇擔誇片帆遙指處彌望正無涯
開日有遲早遙看閒淺淡柳濃兼作態日薄不成陰岸

岸疑無路村邨自一林停舟聊問訊來歲許重尋
野曠無拘束春來任意狂穉娃嬌弄水村斂笑窺牆樹
小纔遮屋株繁不着行平坡千頃外還看菜花黃

和滄洲病起韻

豎退方聞體漸蘇驚看猶自足憂虞浮生能着幾兩展
屏骨何堪萬鍛鑢宋僧顯萬詩萬鍛鑢中尋紫可避濕亟宜停夜飲中
虛那更減常舖重生我是甘泉柳今日相看兩病夫
倒篋傾囊盡一斟未判功效又重尋千年難覓成形成
百餅平消賣賦金海內年來開價長甌中分得荷交淺
賈島臥病酬韓吏部詩甌中物亦朽株纔沐栽培力莫
分來詩盛道亦軒惠參故及之

雲在詩鈔卷一

三

放炎曦損嫩陰

行年周甲有何哀得子成章待剪裁蒲柳易衰今鶴髮
渥注無種此龍媒三山去覓耕雲侶雨漿歸傳舉案孟
穎士有才奴亦愛爲君誇獎到東臺原詩方歸金陵並道賢郎學止及家
僅長發勤于侍奉

張陸雲試用來蘇語次慮牧民之難美其意示以

詩

能知服官難所得業過半不從艱苦來此理猝未判君
年三十餘逃貧隻身竄到今十七年寸步歷多難一官
天所付飄舟始到岸我方爲君歡胡爲發愁嘆平生業

毛錐目未視文案嚴慮隣暴殘寬恐坐畏便矧此繁劇
區事冗吏久玩除書下九重旁觀爲駭汗閱歷吾未曾
一辭倘容貸利當使漸興俗當俾久換絕弊由內嚴草
姦先近勸小事牘不留自不至漫漶大事在敢爲尤慎
勿自銜影響漸消靡扇動立解散歲當報豐亨災勿憂
水旱莫謂民無知毀與寔操券君看陸稼書與我同里
聞去今幾何時吳民尚誇讚故老咸能言流傳及童冠
方今天子聖分陝皆輿旦希惠與市名其罪涉欺謾
祇以循分稱又難答青旰以佚道使民雖勞民不怨以
保赤求民不中亦不違贈君無他言百政一誠貫其餘

雲在詩鈔卷一

南

瑣屑事何足爲君論王路任馳驅高官亦吾分結交今
白頭卜隣懷夙願一展胸中奇歸喫家鄉飯

廢園

溯大江南來林亭見亦夥所惜非通津再到輒未果是
間有名園得徑在道左過客多停橈晴好雨亦可我年
五十餘幾欠來閒坐山則真佳山非人力堆垛水則真
佳水非鉄鍾掀簸大樹經百年枯藤日纏裹遙枝集鳴
禽長條掛網娜結屋兩三間位置東西妥去今曾幾時
摧壞及見我敗垣磚打頭荒徑草沒蹊興廢皆數存言
談亦煩瑣且飲一盃茶出門望平野

將抵毘陵見岸傍鼓樂騶從知爲老友莊鹿園先

生解組歸奉所得 誥贈焚黃告其先人過舟

同行十里瞻拜先隴而別

水邊舟楫道旁耕上塚爭看畫錦榮邂逅一帆逢盛典
追隨十里拜佳城交情快叙頻年濶天氣欣占到岸晴
絲管沸天人塞路暗中感嘆聽鄉評

弟昆手握金章貴子姓名馳玉樹賢門列魏科謗近代

人傳厚德載當年側身賓從承光寵

韓魏公詩先麗會知及祖先

指恩榮到後先水木根源增悵望夜溪難繫欲歸船

錢綱菴年伯須鳳苞莊孫服書田諸前輩翌日舉

雲在詩鈔卷

五

二簋會訂余同赴迫于行役投詩即行

清樽良會指明晨聽數耆英舉坐人年齒未登終覺忝
烟霞同鑄不妨親飲中戶小愁長夜江上帆回待浹旬
料得當筵定相憶一盃若下且留春

海內年來此會多昇平樂趣盛岩阿異時可得長追逐
好事無妨暫折磨刊上月明催早去火前花發定重過
坐中諸老如相問勉爲迷賓謝譚訶

前題重東吳茂育

天氣欲明仍未明東風作雨吾其行序年或許容秋監
不飲何必煩公榮佛言三宿便增癡世上四樂終難并

脫離羈縛向空濶潑眼江山慰客情

過毘陵不晤張叔度作詩寄懷兼約回舟過訪

東風獵獵柳毵毵帆過毘陵一夕貪已向朋儔訪消息

詢書田知叔度近狀且期櫻笋奉言談新居地闊宜懸榻約移居

當遷住一月今已移新居且聞華美舊雨人來赴解簪年力人門俱第一

入村寺見羣僧諷經

遠尋梵唄入琳宮貝葉羣繙課晚功問有幾人眞世外
蚤無一念掛塵中遊絲裊裊仍沾絮野蝶飛飛自舞風
束髮爲儒今白首殘編零落嘆頭童

雲在詩鈔卷

五

病中思鮮魚不得是日僕人得一尾喜見顏色爲

賦

兩手握修鱗歡呼入饌精買驚初脫網捧勸試嘗羹所
少嘉賓共淡愁宿疾嬰老來何事業捫腹笑臃臃

三月已盡渡江來問鱗魚石首皆不可得爲各賦

一絕

駕花三月已銷春出網銀刀未破新僂殺豪筵期闊勝

家家江上候潮人

玉茁瓶頭長荻芽河腕江鱗饕餮家一年石首無消息
辜負春風棟子花

金山

禹力不到處則中流判此山與江為底柱障海儼當

關孔道通南北風帆看往還何時免閒暇高處一躋攀

久不渡江重過維揚有感

一肩隨計吏來往古邦滿此路通京洛今來是薄遊岸

高危急溜聞近擠行舟總有前關阻何妨遇石尤

水陸經由處揚州古要津連橋不見路過絳欲擠人少

有不貪寶誰為無事身晚來波浪靜我欲垂垂綸

訪陳蓮宇水利工次知改 命督修 文廟先

一日行矣訛傳已起原銜喜而賦寄

雲在詩鈔卷一

七

帆落向淮濱維舟遣問君傳聞 丹詔下已起故將軍

流俗懷明德 朝廷念久勤沙堤方並築門戶正氤氲

時愛日
方入相

纔奏平成績重司版築工除書來日下移節又山東舊

種棠陰遠新頒 廟制崇壺漿迎道路不日報成功

淮安城外野步

覓徑逢僧話尋開入院來到門高樹合小憩午陰回童

子報茶熟砌花驚晚開夕風飄簌簌歸路滿塵埃

平河橋晚步

信步入荒村風來盡閉門一水接天遠數家因寺存羣

鷄棲屋角小艇縛蘆根野趣亦自得覓人無與言

楊花

被風引入紅樓去到地重尋碧落飛笑我痴歎空裡捉

問他飄泊幾時歸淒淒客舍黃昏雨掠亂江頭白板扉

三尺漁竿一篙水不知誰掃釣魚磯

眼界迷離子細看亂紛紛地白漫漫彌來鬪岸雪千點

飛入盧家玉一團仙客當年與羽化棉花今日要人彈

相逢莫笑無根蒂在藻恩波海樣寬

未能跳脫粘蛛網已自攬和入燕泥何處忽逢修月手

好風真有上天梯瀟瀟漫繡帕揜紅袖抖擻花繁響月題

雲在詩鈔卷一

六

斷送玉容春不管 玉容人上天 闌干倚徧日平西

勾引春風上下狂來看入幕去循墻乍衝遊騎為前導

迨好晴天是下場靜入禪心觀起滅亂隨花陣捉迷藏

丁香百結除醺醉一架秋千謾索長

點點輕明上砌臺新調玉琯散葭灰吹綿卻被蜂穿過

卷絮還從燕剪開過眼空花隨路掃滿天晴雪撲簾來

羅衣初試寒猶禁一笛江樓又落梅

曾向靈和殿裡飛惹人衣袖尚依依瓊田塵動貞妃過

白鳳翎摧侍女歸葦岸着霜偏覺冷梨花經雨脫嫌肥

半床白氈閒舒卷祖送春歸到夕暉

輕粘粉汗貼明瑤細逐歌塵繞畫梁送客盤筵增悵望
落花時節正顛狂被魚吹去波添縹緲和蝶飛來影共忙
彭澤門前應更好午風飄送北窗涼

鑿空鑽隙莫輕猜纔去因風又折回寒食清明弔蘇小
青天白晝哭章臺打殘瑣瑤方歸去舞破霓裳不下來
綠暗紅稀春漸老柔腸攪亂一堆堆

賀李又玠制府入覲

遭逢堯舜君勲業著昇平去答臨軒切歸填借寇誠

舉朝欽重望空國爲留行獄市期無擾頻年整頓成

卿詔趨丹陛承恩覲紫薇君王賜顏色民

雲在詩鈔卷一

九

俗有光輝錫宴開黃閣榮親拜錦衣湖山爭綯采迎
照八驕歸

與又玠相遇淮安城外走筆送行

轉瞬三年聚從頭百感俱身緣扶朽直顏是澤枯腴未
免嫌形跡還能念有無今朝盤馬處何以慰歸途

旌旆列縱橫驪歌酒再行更無隔別語已盡不堪情馬
首嚴兵衛官班遠送迎回船風浪緊策蹇惡打窗聲

舟次食鱔魚

鱔魚四月始登盤越歲纔供幾日餐全尾就烹殊可惜
一人專享亦何安開筵盡欲驅釘脰舉箸惟應晏牡丹

飄泊孤舟甚無謂只除口福未闕殘

雲在詩鈔卷一終

雲在詩鈔卷一

手

雲在詩鈔卷二

曉行往曲阜訪陳蓮宇

九月霜氣清驅車破曉行骨寒堅旅况天遠逼交情衰柳村中路荒鷄屋上聲雲山遮望眼殘夢不分明

過豐縣

曉色蒼茫裡經過漢舊城風吹衰柳急日照古原晴梨棗霜前熟川疇潦退耕舊稱標準俗喜聽叱牛聲

曲阜道中

泗水碧迢迢前行馬不驕遵途思孔轅渡壑想顏瓢聚族多賢裔名村尚魯橋魯橋在宿村名自憐千載後未覺聖居

雲在詩鈔卷二

十

遙

山勢羣趨北河流盡向西提封猶歷歷夫子獨棲棲潦退川原出雲晴雉堞低登高瞻廟貌烟樹擁樓題

遇風入村寺暫憩

古寺無僧住空庭落葉深避風驅馬入墜果下塔尋返照落寒渚頽垣噪夕禽聖居知不遠燈火映疎林

曲阜晤蓮宇

寄書前月去會而一年過執手悲歡集驚衰感嘆多支持猶好在通累近如何遣僕羅鷄黍清宵足浩歌

撲面黃塵裡迎門笑僕夫定知延佇久淡荷下塔扶策

蟹分螯劈黃細抵足鋪交情兼戚誼未忍話歸途

冰花和張誠之韻

天然標格謝鈴華出水爭看發素葩無質難教紅蠟綴忍寒不遺綠陰遮茶香碧映茸茸細酒冷黃浮剪剪斜只恐江梅占春早冰魂先返鴈前花

分肌劈理總由天巧手能鑄恐未然增長精神綠雨潤交加枝幹受風顛含毫夢叶生花瑞唾袖香分小朵妍總爲生來空色相便饒銷歇不曾薦

勻鋪密綴闌橫斜瘦展根株碎點芽風急魚吞空裡絮影寒鳥啄鏡中花不禁攀折懸空看欲試端詳潑墨加

雲在詩鈔卷二

十一

已被東皇輕漏洩仙源流出不須嗟

輕于雲葉白于霜玉骨玲瓏墜衆芳滿面葉脂朝染色渡頭返照晚添粧摘來秋水詩工李剪取吳江畫擅王到底不生搖落恨讓牠滕六逞風狂

與雪齊開頃刻中貞心清節總相同只知生長當寒地偏是摧殘近煖風錦水不波潯結葉穀紋輕皺漸分叢曉來一片蒸霞色照見紅雲出海東

題孫 葭遊尊人割股廬墓兩圖

人生罔極恩沒齒不能報兩鬢垂素絲念之輒悲悼孫子方髫年母病竭醫禱血淚填胸襟祈求百無效揮刀